



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda, Sev Ritvale Osnabrvdense

Franz Wilhelm <Osnabrück, Bischof>

Coloniæ Agrippinæ

De Benedictione purificandæ mulieris post partum.

urn:nbn:de:hbz:466:1-41233

Benedictio Dei omnipotentis, Patris ✠,
& Filii, & Spiritus sancti, descendat super
vos, & maneat semper. Amen.

Benedictio purificanda mulieris post partum.

N O T A T I O.

SI qua puerpera post partum, juxta piam ac laudabilem consuetudinem, ad Ecclesiam venire voluerit, pro incolumitate suâ Deo gratias actura, petieritque à Sacerdote benedictionem; ipse, superpelliceo & stola alba indutus, cum ministro aspergillum deferente, ad fores Ecclesiæ accedat; ubi illam, foris ad limina genuflectentem, & candelam accensam in manu tenentem, & prolem, si ea supersit, in ulnis gestantem, aquâ benedictâ aspergat; deinde dicat:

Vers. Adjutorium nostrum in nomine Domini. *Resp.* Qui fecit cælum & terram.

Deinde præbeat mulieri partem stola, & pergat ad altare, inchoans *Antiph.* Hæc accipiet benedictionem à Domino. Deinde prosequatur *Psalmum* 23, Domini est terra & plenitudo ejus: *vel Psalmum* 120.

LEvavi oculos meos in montes: unde veniet auxilium mihi.

Auxilium meum à Domino: qui fecit cælum & terram.

Non det in commotionem pedem tuum: neque dormitet qui custodit te.

Ecce non dormitabit neque dormiet: qui custodit Israel.

V u

Domi-

Dominus custodit te , Dominus protectio tua : super manum dexteram tuam.

Per diem sol non uret te : neque luna per noctem.

Dominus custodit te ab omni malo : custodiat animam tuam Dominus.

Dominus custodiat introitum tuum, & exitum tuum; ex hoc nunc, & usq; in sæculum.

Gloria Patri & Filio. Sicut erat in principio, &c. Kyrie eleison. Christe eleison. Kyrie eleison. Pater noster.

Vers. Et ne nos inducas in tentationem.

Resp. Sed libera nos à malo.

Deinde Parochus, ad mulierem conversus, dicit :

Vers. Salvam fac ancillam tuam , Domine.

Resp. Deus meus sperantem in te. *Vers.* Mitte ei Domine auxilium de sancto. *Resp.* Et de Sion tuere eam. *Vers.* Nihil proficiat inimicus in ea. *Resp.* Et filius iniquitatis non apponat nocere ei. *Vers.* Esto illi Domine turris fortitudinis. *Resp.* A facie inimici. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo.

Oremus.

Oremus.

OMnipotens sempiterne Deus, Pater Domini nostri Iesu Christi: bene ✠ dicere digneris hanc famulam, quæ, ad imitationem sanctissimæ Virginis Mariæ, sese, cum gratiarum actione, purificandam in templo exhibet: & concede propitius, ut, sicut ei prolis foecunditatem, & vires templum tuum ingrediendi, contulisti, ita, per intercessionem ejusdem immaculatæ Virginis, ab omni mentis & corporis contagio liberatam, ad sancta sanctorum pura facias mente accedere, & post finem præsentis vitæ, templum cæleste introire. Per eundem Christum. *Postea dicat:*

Vers. Benedicamus Dño. *Resp.* Deo gratias.

Benedictio Dei Pa ✠ tris, & Fi ✠ lii, & Spiritus ✠ sancti, descendat super te, & maneat semper. *Resp.* Amen.

Sacerdos, si celebraturus sit Missam pro ea, induitur Sacerdotalibus indumentis, & dicit Missam occurrentis diei, vel aliam votivam, juxta mulieris devotionem: aptissime autem huic laudis officio congruit Missa Purificationis B. Mariæ, quæ incipit, Suscepimus. quæ si legatur, omittentur in Collecta, hodierna die. qua finita, dimittetur mulier cum benedictione Domini in pace. Quod si ad celebrandam Missam non possit Sacerdos haberi; addet Paro-

Pag. 188.

chus ad superscriptas preces Euang. In principio erat Verbum; *aut potius,* Postquam impleti, *ex Officio Purificationis Beatæ Virginis; & dicit:*

Vers. Dominus vobiscum.

Resp. Et cum spiritu tuo.

Vers. Sequentia S. Euangelii secundum Lucam. *Resp.* Gloria tibi Domine.

IN illo tempore: postquam impleti sunt dies purgationis Mariæ, secundum legem Moyfi; tulerunt Iesum in Hierusalem, ut sisterent eum Domino; sicut scriptum est in lege Domini: Quia omne masculinum, adaperiens vulvam, sanctum Domino vocabitur; & ut darent hostiam (secundum quod dictum est in lege Dñi,) par turturum, aut duos pullos columbarum. *Resp.* Laus tibi Christe.

Vers. Post partum virgo inuiolata permanisti. *Resp.* Dei genitrix intercede pro nobis.

Oremus.

DEus, qui hanc famulam tuam de pariendo periculo liberaisti, & eam in seruitio tuo devotam fecisti: concede, ut, temporali cursu fideliter peracto, sub alis misericordiæ tuæ vitam quietam & perpetuam consequatur. Per Christum Dominum nostrum.

Vel: Deus, qui corda fidelium S. Spiritus illustratione docuisti: da nobis, in eodem Spiritu re-

tu re-

tu recta sapere, & de ejus semper consolatione gaudere.

Item: Deus, qui salutis æternæ, beatæ Mariæ virginitate foecunda, humano generi præmia præstitisti; tribue quæsumus, ut ipsam pro nobis intercedere sentiamus, per quam meruimus autorem vitæ suscipere, Dominum nostrum, &c.

Deinde Sacerdos præbet illi osculandum librum Missalem, dicendo:

Vers. Dominus det tibi suam pacem;

Resp. Et vitam æternam.

S *I contigerit, mulierem certo tempore à purificatione, adversa valetudine, impediri; differatur purificatio, donec, utcunque restituta, in Ecclesiam ingredi possit; etiamsi mortis immineat periculum: quia purificatio extrà facienda non est; neque substituenda alia mulier purificanda in locum defunctæ puerperæ. Si quæ vero pepererit prolem illegitimam, ea non introducatur per Sacerdotem, sed sola ingrediatur.*

Missam siccam (quam vocant) neque ad purificandam mulierem, neque ad celebrandum conjugium, aut ad ullum alium usum, celebrari permittimus.